

Orado internacional Dr. Albert Hanson cu charla awe den Biblioteca Nacional



ORANJESTAD (AAN) – Matutino DIARIO a entrevista señor Ronny Alders, funcionario di Biblioteca Nacional Aruba, kende a duna nos informacion tocante un ciclo di charla cu Oradornan Academico di Merca, cu nan ta bay realiza. Nan a invita, entre otro, Dr.

Albert Hanson, di Universidad di South Florida. E charla lo tuma lugar Diaranzon awor pa 7.30' or di anochi y entrada ta gratis y ta dirigi na publico en general. Señor Alders a menciona cu e tema lo ta Salud Mental, y dr. Hanson ta dispuesto pa bin mas, pa papia riba e tema im-

portante aki.

Invitacion a bay pa tur e profesionalnan di Hospital dr. Horacio Oduber, PAZ y tur Organizacion di pacientnan.

Riba salud mental tin hopi investigacion cu mester wordo

haci ainda, sr. Alders a subraya. Biblioteca Nacional como un institucion educativo importante den nos comunidad, no a para keto riba e tereno aki tampoco, y pesey a invita dr. Hanson pa bin duna un charla. Naturalmente despues di e charla a duna oportunidad na e publico pa haci pregunta na e Academico.

E contacto cu e Academico a surgi door di e viahenan, cu

tanto e director di Biblioteca sra. Britten como sr. Alders a haci pa participa den congresonan di Acuril, tanto na Caribe como na Merca, ultimamente, nan ta acerca e Oradornan y puntra nan si nan gana di bin Aruba pa duna charla. Debi cu Aruba ta un isla hopi conoci y gusta, mesora nan ta acepta y ta bin Aruba riba nan propio gasto.